

ZAVOD ZDRAVSTVENOG OSIGURANJA ZENIČKO-DOBOJSKOG KANTONA

Broj: 01-100-33-284/25
Zenica, 04.06.2025. godine

Na osnovu člana 99. stav (1) alineja 7) Zakona o zdravstvenom osiguranju („Službene novine Federacije BiH“, broj: 30/97, 7/02, 70/08, 48/11, 36/18 i 61/22) i člana 60. Statuta Zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“, broj: 11/16 i 9/19), Upravni odbor Zavoda zdravstvenog osiguranja Zeničko-dobojskog kantona na 33. sjednici održanoj dana 04.06.2025. godine, donosi

ODLUKU

o izmjeni i dopunama Odluke o pravu osiguranih lica na hitnu zdravstvenu zaštitu u inostranstvu za vrijeme redovnog studija prema važećim međunarodnim sporazumima

Član 1.

U Odluci o pravu osiguranih lica na hitnu zdravstvenu zaštitu u inostranstvu za vrijeme redovnog studija prema važećim međunarodnim sporazumima, broj: 01-100-73-657/22 od 22.04.2022. godine u članu 1. iza riječi „redovnom školovanju“ dodaju se riječi „i redovni učenici i studenti na razmjeni“.

Član 2.

Član 3. se mijenja i glasi:

„Postupak za priznavanje prava na zdravstvenu zaštitu u slučaju hitne medicinske pomoći i izdavanje propisanog dvojezičnog obrasca osiguranim licima iz člana 1. ove Odluke pokreće se na zahtjev osiguranog lica.

Uz zahtjev osigurano lice koje je učenik/student na redovnom školovanju u inostranstvu dužan je dostaviti slijedeću dokumentaciju:

- Ocjenu zdravstvenog stanja koju izdaje izabrani doktor medicine primarne zdravstvene zaštite, ili ljekarsko uvjerenje (ne starije od mjesec dana),
- Potvrdu škole/fakulteta u inostranstvu o statusu redovnog učenika/studenta,
- CIPS potvrdu o prebivalištu (ukoliko se prvi put predaje zahtjev).

Uz zahtjev osigurano lice koje je redovni učenik/student na razmjeni dužan je dostaviti slijedeću dokumentaciju:

- Ocjenu zdravstvenog stanja koju izdaje izabrani doktor medicine primarne zdravstvene zaštite, ili ljekarsko uvjerenje (ne starije od mjesec dana),
- Potvrdu škole/fakulteta o statusu redovnog učenika/studenta,
- Potvrdu škole/fakulteta da je upućen na razmjenu s navedenim periodom trajanja razmjene,

- Potvrdu škole/fakulteta u inostranstvu da je primljen na razmjenu,
- CIPS potvrdu o prebivalištu (ukoliko se prvi put predaje zahtjev).

Ukoliko osigurano lice prvi put podnosi zahtjev, potvrda škole/fakulteta u inostranstvu o statusu redovnog učenika, odnosno potvrda škole/fakulteta o prijemu na razmjenu treba biti prevedena na jedan od službenih jezika BiH od strane ovlaštenog sudskog tumača.“

Član 3.

U članu 5. stav (2) iza riječi „6 mjeseci“ dodaju se riječi: „a za redovne učenike i studente koji se nalaze na razmjeni, dvojezični obrazac izdaje se za vrijeme trajanja razmjene, a ne duže od jedne godine“.

Član 4.

Ova Odluka stupa na snagu danom donošenja.

DOSTAVLJENO:

- 1x Direktor Zavoda
- 2x Pomoćnik direktora
- 1x Služba za pravne i opće poslove (U.O.)
- 1x Služba za sprovođenje zdrav. osiguranja i analitičko-planske poslove
- 1x Služba za finansijske i računovodstvene poslove
- 12 x Poslovnice Zavoda
- 1x Službene novine ZDK
- 1x web stranica Zavoda
- 1x a/a

PREDSJEDNIK UPRAVNOG ODBORA

prof.dr.med.sci. Anhel Koluh,
specijalista opšte hirurgije